

٥ - كأنك معه - الجزء الثالث [١٠] عشر ذي الحجة [٢] الشيخ

محمد خيري | #المسات_في_الأيام_المعلمات

محمد خيري

السلام عليكم ورحمة الله وبركاته الحمد لله رب العالمين له الحمد الحسن والثناء الجميل وشهاده ان لا اله الا الله وحده لا شريك له
واشهد ان محمدا عبده ورسوله وبعد فاسأل الله سبحانه وتعالى ان يطيب قلوبكم - [00:00:01](#)
ويشرح صدوركم وينفعني واياكم بكل خير ما زال الحديث حول استثمار هذه الليالي وهذه الأيام المباركة وما زال حديثنا حول حج
النبي صلى الله عليه وسلم فاسأل الله سبحانه وتعالى ان يسدتنا واياكم - [00:00:24](#)
لحسن الكلام عن النبي صلى الله عليه وسلم قررت ان انا كل لقاء في البداية اقول حاجة في العشر باللي منكم عاوز حاجة مباشرة زي
ما اتكلمنا امبارح بفائدة فلعلنا نتكلم - [00:00:53](#)

معنى المعنى ده يكون بسيط وتبقى دي اللمسة لمسة البكور في هذا اليوم فاسأل الله سبحانه وتعالى ان يسدتنا واياكم لكل خير لكن
الحاجة دي انا عاوز حضراتكم يعني تساعدوني ونحسبها - [00:01:13](#)

فهقول لكم تمرين عاوزين نحسب التمررين ده ونشوفه هيأخذ وقت قد ايه عاوزين دلوقتي نقول سبحان الله ميت مرة يلا نحسبها
كده ونشوف هتاخذ وقت قد ايه ممكن تقولوا كده سبحان الله سبحان الله سبحان الله - [00:01:34](#)
سبحان الله سبحان الله سبحان الله سبحان الله سبحان الله سبحان الله كملوا الى المئة وبعدين
نكملي سبحان الله سبحان الله سبحان الله سبحان الله - [00:01:52](#)

سبحان الله ماشاء الله سبقتوني يعني احسنتم احسن الله اليكم النبي صلى الله عليه وسلم يقول في حديث ما من ايام العمل
الصالح فيهن احب الى الله من ايام العشر. فاكثروا فيهن من التسبيح - [00:02:26](#)

التسبيح انك تقول سبحان الله. طبعاً التسبيح والتحميد والتکبير والتحميد والتهليل على رواية فموضع التسبيح ان انت تقول
سبحان الله الميت مرة اللي احنا قلناهم دول حضراتكم شايفين ان احنا اخدنا وقت كتير ولا قليل - [00:03:41](#)

خدنا وقت انك تقريباً تقرأ بمعدل تقريراً تلات ثلاثة تويبة ممكن تقرأ بواست ممكن تبص على صورتين وتعلق يقول النبي صلى الله
عليه وسلم ايعجز احدكم ان يكسب كل يوم الف حسنة - [00:04:00](#)

يعجز احدكم انه يكسب كل يوم الف حسنة فسألة سائر من جلسائه كيف يكسب احدنا الف حسنة؟ قال يسبح يسبح مائة تسبيحة
فيكتب له الف حسنة او يحط عنه الف - [00:04:23](#)

قطيعة يا سلام واجب ولمستك في العشر. النبي صلى الله عليه وسلم قال لك عشان ما تتشتتش في العشر اكثروا فيهن من ايه؟
الرسول صلى الله عليه وسلم ادراك المفتاح - [00:04:45](#)

ما سابكش انك تتوه قال لك خذ ده المفتاح وركز وبعدين قال لنا مفتاح سهل كلنا نعمله. يعني الصوم انا مش هقدر اصوم انا بشتغل
انا عندي امتحانات ده سانوية عامة انا ضهرى بيوجعني - [00:04:59](#)

يعني انا بعطش بسرعة لايام طويلة مش هقدر اصوم. اختم القرآن مش هقدر اختم ده انا بقرأ جزء بالعافية. طيب كون ان حضرتك
بقى تقرأ تقول سبحان الله سبحان الله سبحان الله سبحان الله - [00:05:13](#)

سبحان الله سبحان الله سبحان الله. ليه بتقول سبحان الله؟ واحد لان النبي صلى الله عليه وسلم دلني على هذا في هذه الاوقات

والنبي انا مأمور بان اتخذه اتخد النبي صلى الله عليه وسلم اسوة حسنة - [00:05:30](#)
هو اللي قال لي فاكتروا فيهن من التسبيح. فيكون عندك ورد لتسبيح ورد كده عشر دقائق ربع ساعة رايج مشوار ولا بتاع واقفة في المطبخ. سبحان الله! سبحان الله! سبحان الله! [00:05:50](#)

وشوية الحمد وشوية تهليل وشوية تكبر فشووفوا سبحان الله يقول النبي لان اقول سبحان الله والحمد لله ولا الله الا الله والله اكبر احب الي ما طلعت عليه الشمس طب هو ايه اللي طلع عليها الشمس ؟ طلع عليها الشمس الشقة اللي انت قاعد عمال تدفع فيها اقساط - [00:06:04](#)

اللي طلع عليها الشمس الشهادة اللي انت قاعد هتموت وتأخذها طلع عليها الشمس الفلوس اللي انت قاعد عمال تحرص عليها. طلع عليها الشمس العربية اللي نفسك تجييها طلع عليها الشمس الدنيا وما فيها - [00:06:28](#)
احب احب الى الله في ايام الاحب دور على الاحب وتشغل به يا سيدى فهل الموضوع ده صعب ولا الموضوع ده يسير ده خلي بالكم ده دي ده ده التسبيح - [00:06:43](#)

بعيدة عن ايام العشر ده اجره في اقوال للسلف كتير ان الاعمال مضاعفة والبعض وصلها لسبعمئة ضعف لكن خلينا في فكرة ان هي مضاعفة لانها الاحب يقول النبي صلى الله عليه وسلم - [00:07:00](#)
سبحي لله مائة تسبيبة فانها تعدل لك مائة رقبة تعتقدنها من ولد اسماعيل الله اكبر والله العزيم نعم نعم احنا في نعم. لله يرزق ويفهم الايام دي ايام توفيق والله - [00:07:15](#)

ايام مسدد اللي هيعيش الایه؟ الحاجة دي شووفوا لما فاطمة بنت النبي صلى الله عليه وسلم راحت وتسأله تقول له يا رسول الله تشتكى لابيها من ايه من تعب الشغل فهي عاوزة خادم فقال لها الا ادلك على خير لكم من خادم - [00:07:40](#)
اقول لك احيانا بتكوني انت محتاجة طاقة ايمانية مش محتاجة ادوات بشرية يساعدوكى والله وانت كذلك ماشي؟ ما تستلمش بقى تقول لها شوفي انا سبحان الله اديك انت عائزه واحدة تساعدك شوفت الشيخ بيقول ايه - [00:08:02](#)
ما انت برضو يعني هي مش هي بس النبي يقول خير لك ما فانت نفس الكلام ما تجيبلكش سواق بقى الموضوع مش كده مش ده المقصود الفكرة كلها ان فيها اشياء - [00:08:20](#)

بذكر الله ترزق القوة الروح قوة القلب قوة التوفيق في ايه؟ معالجتك للامر خير للكما من خادم فهزه لمسة الصباح. لمسة هذا الباكسوس نعود الى السير مع احداس حج النبي صلى الله عليه وسلم. كنا توقفنا عند - [00:08:34](#)
الاستشارة الاسرية لابي طليق عن ام طليق رضي الله عنها وقلنا ان النبي صلى الله عليه وسلم دلهم على ايه من الحاجات الجميلة ان ليه لما اقرب من مكة في جبل اسمه جمدان جبل اسمه ايه؟ جمدان - [00:09:03](#)

جمدان ده خلينا نقول زي دخلة البلد كده. انت قربت كده من القاهرة محافظه مش عارف ايه ترحب بك الكلام ده فانت قربت وقال النبي اين السابقون قالوا يا رسول الله قد مأمض الناس وتخلف الناس. يعني في ناس جريوا وفي ناس - [00:09:23](#)
تأخرموا قال سيروا هذا جمدان هذا جمدان جبل جمدان ده اللي احنا قلنا ايه في دخلة ايه؟ خلاص قربنا اللي بيوصل له يبقى قرب من مكة. فيبيقول لهم يلا سبق المفردون. سبق المفردون. قالوا وما المفردون يا رسول الله - [00:09:44](#)

قال الذارون الله كثيرا والذاريات الذين يهترون في ذكر الله. يهترون يعني عنده ولع يضع الذكر عندهم اتقاهم فيأتون يوم القيمة خفافا. عرفتم بقى سبحان الله والحمد لله بتعمل معك ايه - [00:10:04](#)

طيب ايه علاقة الكلام ده ان النبي يقول لهم الجبل ومش الجبل والكلام ده عدنا ان جمدان ده جبل قريب من مكة يبشرك بقرب الوصول الى غاية السفر وهي مكة - [00:10:27](#)

فاللي يسبق له يبقى سبق لمكة صح والمخدرون دول اللي ليس معه الا بغير. البعير بتاعه. يعني مش معه حاجة مش معه حمل تقليل وبتاع. فالنبي بيقول المفردون يعني الناس اللي ماشية - [00:10:41](#)
اللي ماشية وخفيفة ده اللي وصل لغاية هنا في مشكلة الدنيا واضحة اهي صح فالنبي قال لهم شايفين اللي انتم شايفينه بالبصر ده

جمدان احنا اول ما نشوفه جمدان كده نقول ايه خلاص يلا اه سبق في ناس سبقت بقى ويا بختهم والناس وصلت والكلام ده -

00:10:59

زي ما انت تبقى طالع طالعة مع اخواتك وبعدين سبحان الله رايحين فسحة ولا رايحين مصيف وبتاع فتلaciهم يروحوا باعتين صورة ان هم وصلوا فتقول يا بختكم عديتوا الكارتة اه وصلوا خلاص - 00:11:17

ماشي ؟ فيقول اصل مش معهم اسرة ومش معهم كذا رايحين لوحدهم او وصلوا فالنبي بيقول لهم ايه ؟ شايفين اللي انت شايفينه بعينيك ده ؟ اه. ينقل لهم صلى الله عليه وسلم الموضوع - 00:11:30

ويخليلهم ينتبهوا بال بصيرة بقى. خلي بالكم بقى في ناس هتسبق في الاخرة برضه. زي ما في ناس قدامكم سبقوها في ناس هتيجي خفافا من الاوزار زي ويسبقه زي اللي الناس اللي سبقت لمكة اللي كانت خفيفة ومعهاش حمل. مين دول ؟ الذاكرون - 00:11:44

ان الله كسيرا والذاكرون الذكريات فهمنا كده الحديث معناه ايه فشوتفوا درس بسيط جدا مع تمام البلاغة وعمق وعمق ان النبي يربط بين معالم الطبيعة ومعالم الدين وده بقى اللي بيسموه يا جماعة الایه ؟ التربية بالحدس - 00:12:02

استسمار الحدس. يشوف جدي اسك يمسكه النبي صلى الله عليه وسلم يقول مين يشتري ده يشوفوا امرأة بتدور على ابنها في السببي فاول ما تمسكه تروح حاضنة وبتاع يقول لهم اترون هذه طارحة ولدها في النار - 00:12:23

واخدin بالكم فدي اسمها التربية بالحدس مين اللي بيعملها المربى فقط الحمد لله المربى صاحب الرسالة ده اللي بيعرف يعمل الاسقاطات ويستسمر الاحداس اللي عنده صناديق وعنه ده وعنده ايه - 00:12:40

عنه شبك في عقله كسير. عارفين كده المطر عما ينزل بيتجتمع فين يعني المطر اما بينزل بيتجتمع على الاسفلت هو اللي بيتجتمع في الحفر والوديان جمع في الحفر والوديان صح - 00:12:59

اه يكون في حفر في عقلك حفر في الذاكرة بتاعتك انت عامل ايه ؟ عامل درج كده عامل صندوق لتربية الشباب عامل صندوق لتربية النساء. عندك صندوق لبر الوالدين. عندك صندوق لكذا - 00:13:16

فاي حاجة بيجي لك حدس فبتلتقط تروح مدخله في الصندوق على طول فاي حدس قدامك بتلاقي ليه التقاطات في بعض الناس تيجي تقول انا كنت مرة في في العمارة وحصل كذا انا وانا مرة راكب الطيارة حصل كذا انا مرة وانا راكب القطار حصل كذا انا مرة وانا رايح المسجد حصل كذا فيجي واحد يقول لك انت غريب بقى - 00:13:32

اه انت عندكم مشاكل مع عم الشيخ انت دائمًا تقولوا كلام كده غريب الصراحة طب ما انا بقابل الحاجات دي كلها وعمرني ما شفت اللي انت بتقولوه ده. اشمعنى انت يعني - 00:13:53

يعني كأنه بيستغرب هو ليه الداعي او ليه والدي او ليه كذا الفكرة كلها ان هو صاحب مشروع رسالي الاحاديث بيعرف يوظفها ليه ؟

عنه الالتقاطات دي عنده الوديان دي النبي صلى الله عليه وسلم يقول لهم - 00:14:04

ويبدا يسير النبي صلى الله عليه وسلم. بس الطريقة الطريقة متبع. صح وفي وعثاء السفر يا جماعة. السفر قطعة من العذاب السفر متبع سبحان الله لو انت نايم على السرير بتاعك - 00:14:24

وتغط في نومك شالوك وانت على السرير حطوك في السيارة ومن السيارة قطة ايه ؟ الطريق ومن الطريق خدت ساعتين ثلاثة وصلت حطوك تاني على سرير هتقوم تعبان رغم انت نمت نايم - 00:14:41

بس هتقوم تعبان لأن السفر متبع والسفر فيه تعب وده اللي حصل للنبي ابتلي بالصداع حصل له صداع شديد في السفر. واحتجم في وسط رأسه صلى الله عليه وسلم واحتجم على ظهر قدمه من وجع كان بقدمه. صلى الله عليه وسلم - 00:14:59

بمناسبة الحجامة حجامة من هدي النبي ومن سنة النبي صلى الله عليه وسلم بالاش تروح تعمل الحجامة لما شفت ان الدكتور بتاع مش عارف ايه قال لك اعمل حجامة او لما شفت لاعب الكرة المشهور عمل حجامة او الممسلة المشهورة عملت حجامة. عيب -

00:15:21

ان يكون دول اللي بيخلوك تعمل الحجامة نرجع كان مع النبي صلى الله عليه وسلم نساوه صح ؟ كل النساء كانوا معه تسعة نساء

شوفوا سبحان الله نسخة ومعه ما يقرب من مية وعشرين الف - 00:15:40

صحابي زحمة وتعب كان مع النبي النساء فلما كان ببعض الطريق نزل غلام للنبي يقال له انجش يقال له ايه؟ انجشه وكان صوته حلو وقاعد بقى ايه يحدو الابل ويسوقها قاعد بقى ايه - 00:15:58

يعني انت عارف بقى عارفين الناس اللي بيبيقوا ماشيين كده يقول بقى اللي قاعد يقول آآ بلاش نقول بيقولوا ايه بس المهم يعني بيقولوا بعض الحاجات كده تخلி الابل تتحرك - 00:16:21

فقادعين بقى ايه يحدو وينشد الاناشيد بتاعته وسبحان الله الابل بتترافق مع الحاجات دي وتمد فاسرعت الابل بحداه. فقال له النبي ويحك يا انجشة. رويدك رويدك سوخد رفقا بالقوارير رفقا بالقوارير. يعني ارفق بهن فقد اسرعت بالابل - 00:16:35

عرفتوا بقى اصلاح اديس رفقا بالقواريف والراحة بتجري ليه سبحان الله وهو ماشيين مسرعين برق جمل امنا صفية رضي الله عنها صفية بنت حبي فالجمل بتاعها برک يعني وقف وما عادش بيتحرك زي الاول - 00:17:05

وربنا يرزقنا نبقي نتكلم عن تعامل النبي مع نسائه في الرحلة دي بس في حجة الوداع تشوف النبي بيتعامل ازاي مع النساء حاجة كده سبحان الله بخر الخلق صلى الله عليه وسلم - 00:17:34

برك الجمل فتقدمها الركب. الناس بدأت تتحرك فهي برضو في الاخر اه زوجةنبي وكل حاجة وام مؤمنين وكل حاجة بس في الاخر انسانة وفي الاخر خالص ايه؟ امرأة فجعلت تبكي - 00:17:54

فالنبي صلى الله عليه وسلم رجع اليها حين اخبر بذلك. قالوا له ده جمل صفائية واقف وهي زعلانة وبتبكي يا رسول الله فجعل يمسح دموعها بيده. ويسكنها. يا سلام على الجمال - 00:18:13

بيمسح دموعها بايده قدام مين بقى؟ مية وعشرين الف صاحبي شايفين المشهد ده كلهم؟ اه مش شايفين يعني الناس اللي بتتصطاد وبتفتك في الورد. ايه ده هم كانوا بيترجعوا وبتاع لا ليس هزا - 00:18:32

المقصد اقصد ان اللي قدام الجيش ده كله النبي صلى الله عليه وسلم يوقف وكثير يعرف ان النبي صلى الله عليه وسلم وقف عفوا مش الجيش الوفد ده كله او الجيوش من البشر يعني وفهم النبي صلى الله عليه وسلم. ويروح يشوف - 00:18:51

لزوجته صلى الله عليه وسلم. وهم يشوفوا وييجوا يحكوا ويقولوا ان النبي مسح دموعها بيده. ياه! ويسكنها طب انتم عارفين بقى النساء في الوقت ده ممكن تعمل ايه النساء هنا موقفين في واحدة ممكن ايه؟ تهدأ - 00:19:08

وفي واحدة ممكن ايه تزود فيها شوية فايه اللي حصل فجعلت تزداد بكاء وهو ينهها قعدنا تعيط والجمل وسابني والجمل وبتاع فالنبي صلى الله عليه وسلم يهدى من روعها ويهدى - 00:19:30

من دموعها ويمسح دموعها صلى الله عليه وسلم. لكن هي رضي الله عنها امنا تبكي فلما اكسرت انتهارها صلى الله عليه وسلم يعني ايه؟ يعني عاتبها صلى الله عليه وسلم - 00:19:51

وامر الناس بالنزول ولم يكن يريد ان ينزل. يعني ما كانش ايه؟ يريد النبي صلى الله عليه وسلم انه يتوقف. فوقف يعني ايه خالص بقى هيريحوا وهياخدوا ايه؟ مكان راحة شوية - 00:20:09

اليوم ده كان يوم مين؟ صفية ايه ده هو النبي صلى الله عليه وسلم كان يقسم حتى في السفر صلى الله عليه وسلم عشان كده يا جماعة الرجال لما بييجوا يتكلموا في التعدد - 00:20:22

والكلام ده فعلا بعيد عن باقي الهزار والكلام والقصص دي من الحاجات الشاقة جدا على الرجل موضوع التعدد ان ينجو يوم القيمة على رؤوس الخالق ان يبعث فقه مالي يبعث - 00:20:39

على شق المال فشوفوا سبحان الله ان في واحد يبقى مرعوب لازم يبقى خايف على قد ان الغيرة النسائية وان هي بتغار وزعلانة ان زوجها ممكن يتزوج على كده. لان سبحان الله المرأة المؤمنة اللي مستحضر الدار الاخرة - 00:21:02

من ضمن الحاجات اللي تبقى سبحان الله تذكر زوجها بها تقول له انا انا فعلا مشفقة عليك انك تسرح في هذا الباب لان الباب ده يعني مش اي حد هيوفق له - 00:21:21

خاصة اللي بيتوجوا هروبا من مشاكل مع الاولى دول غالبا يا جماعة التعدد عندهم غالبا لا يكونون ناجحا لأن التعدد لا يكون هروبا فالنبي صلى الله عليه وسلم اليوم ده - [00:21:35](#)

كان يوم صفية وصفية زعلانة. اه. والنبي صلى الله عليه وسلم عاتبها بس هي حست ان هي زودت الموضوع قوي خاصة ان خلاص فعل النبي ما لا يخطر على بال من الاحتواء وان هو وقف الدنيا كلها وبيحاول يرضيه خاصة ان ده شيء لم يتدخل في يعني احد - [00:21:58](#)

هو اللي غلط فيه يعني فلما نزلوا احنا رايحين فين الاول المشهد ده وهم رايحين فين عادي مكة ورايحين يحجوا عادي حاجة زي كده طب وانت رايح الساحل بقى وهي اتضيق؟ يا سيدى باقول لك رايحين عرفة - [00:22:21](#)

عادي بشر عشان كده سيبقى من اجمل ما يميز ديننا ما يميز هذا الدين انه دين فطرة ان هذا الدين يتتناسب مع الفطرة. عادي زعلت وبتاع مش ايدها بقى وبتاع لا رجعي نيتك. وان آآ ومش - [00:22:38](#)

لا لا لا الموضوع مش هنا خالص واحنا لو احنا رايحين آآ احنا رايحين نجح ولا بقى هنقضيها بقى واسمعنى الجمل بتاعي ومش الجمل بتاعي والكلام ده كله هزا التشويش ايه المشكلة ان ان في حد فعل ممكن يتضايق؟ ايه المشكلة ان هي اتضيق جدا ان هي بتقول لك عازين نشرب حاجة ساقعة وانت - [00:23:00](#)

مش دلوقتي قالت لك اانا هموت من الحائط. يعني خلاص وبتاع ورايحين عرفة وتوقفيني عشان يا عم لينوا في ايدي اخوانكم. ايه المشكلة المهم ده كان يوم صفية لما نزلوا ضرب خباء النبي صلى الله عليه وسلم. ودخل فيه صلى الله عليه وسلم - [00:23:21](#) طبعا صفية مشغولة هتدخل ازاي عليه وهي طبعا مزعلاه وهو عمل كل ده وهي برضه ما زالت صحيح خافت ان يكون النبي وجد في نفسه وما علمت انه لا يشغل - [00:23:39](#)

لنفسه ابدا صلى الله عليه وسلم تعمل ايه شوفوا يا جماعة ما هو بصو الفرق بينا وبين الصحابة مش في اللقطة البشرية او في الخطأ المشكلة اللي فرق بيننا وبينهم الحقيقي هو ما بعد الخطأ - [00:23:57](#)

يعني هقول لكم على حاجة لو انت شفتم دعاة تخيلوا كده مسلا اربع اربع آآ دعاة في دماغكم دلوقتي اي اربعة انت بتتحبهم اي خمسة بتتحبهم او بتتحب تسمع لهم يعني. تخيلهم كده - [00:24:15](#)

تخيل ان هم طلعوا عاملين لقاء بس مباشر عن العشر واحد بالك ومتخليهم وهم قاعدين مع بعض وبيتكلموا اه في واحد منهم قال كلمة فيها خشونة شوية فزعلوا مع بعض - [00:24:32](#)

راحوا رافعين السيوف قدام بعض على بعض وكانوا هيغورووا بعض ودخل واحد هدى بينهم وبتاع انتهى اهدوا يا جماعة والكلام ده كله تخيلت المشهد كده ممكن تقول لي ايه اللي ممكن يحصل - [00:24:48](#)

من بعد المشهد ده بساعة ساعتين وايه اللي هيحصل بينهم وبين بعض وعلى موقع التواصل هل بسهولة الناس ديت ممكن تاني يوم تلاقاهم طالعين وبيتكلموا عادي جدا والموضوع انتهى ولا في ولا في ولا فارق اي حاجة - [00:25:02](#)

ولا يكاد يكون الدنيا انتهت داخليا ده الفرق بينا وبين الصحابة الصحابة كانوا قاعدين قدام النبي قاعدين كده والنبي على المنبر فالنبي قال كلمة وكان الوضع ملتهب فطلع واحد قال له يا رسول الله - [00:25:17](#)

وراح ايه سعد ابن معاذ قال له يا رسول الله كلام كده المهم يعني عشان القصة طويلة فمش عاوز اعتبارها يعني استطردها لو اني لو رحت بقى ايه بيقى درس لوحده - [00:25:36](#)

الخلاصة ان الصحابة قالوا بعض في الوقت ده واحد منهم قال للثاني انك منافق معلوم النفاق تجادل عن المنافقين. الله اكبر اللي بيتقاول له ده الحارس الشخصي للنبي صلى الله عليه وسلم - [00:25:46](#)

فقال له انا منافق راح رادد عليه الكلام بقريب منه فراح واحد قال يا للاوس الثاني قال يا للخرج وراحت السيوف مرفوعة في مسجد رسول الله مشهد ملتهب جدا موضوع صعب حادسة الاشك فى الوقت ده الدنيا متلخطة. فهدأه من النبي حتى هدينوا - [00:26:05](#)

سكتوا كده وخلاص. ايه اللي حصل بعدها ايه اللي بعد المشهد ده؟ بعد ما هديوا كده وقعدوا انتم هل تعرفوا ان من بعد المشهد ده لا يوجد اي كلام عن المشهد ده بعدها - 00:26:31

ولا في حد عاتب حد ولا في حد بيتكلم عن حد ولا في بل عائشة نفسها رضي الله عنها تقول فاخذتها تقول عن واحد يعني اللي دافع عن ابن سلول تقول فاخذته ليه يعني الحمية - 00:26:46

كلام يعني معناه ولا نتهم في شيء. عائشة رضي الله عنها ايه الجمال ده يا جماعة فالمشكلة انهم كانوا لأ كانوا ممكن يعملوا ابو بكر بيقول لعمر والله انك لا تزيد الا مخالفتي - 00:27:00

انت لا تزيد الا مخالفتي. انت عاوز تختلفني وخلاص ديت يعني حاجة قلبية وارتفعت اصواتهم بوجود النبي صلى الله عليه وسلم. طب بعد المشهد ده بيتش مش يبقوا بيقابلو بعض - 00:27:14

انا لا في قلبي شيء من عباد ابن بشر. انا في قلبي شيء من سعد ابن معاذ من اسيد ابن خضرير. ما شفته رفع السيف رفع كده وبرق لي تبرئة - 00:27:29

انا من يومها انا ايه انا مش هقدر قضاء ولا الجو ولا حد من عيلتنا يتجوز من عندهم وانتهى الموضوع لا يا جماعة الموضوع فعلًا لم يتبعى اللقطة ده الفرق - 00:27:39

اللقطة ديت اللي هي فكرة ان هو بيعاملوا ازاي مع المشكلة؟ تعالوا نشووف كده صفيحة رضي الله عنها هتعمل ايه؟ دي مشكلة اهي مشكلة قدامها هتعمل ايه راحت على مين؟ ما هي عارفة مين اللي معها المفتاح - 00:27:54

راحت لعائشة رضي الله عنها فانطلقت الى عائشة رضي الله عنها فقالت لها تعلمين اني لم اكن ابيع يومي من رسول الله بشيء ابدا بتقول لها انت عارفة ان انا عمري ما اترك يومي من النبي - 00:28:08

وانى قد وهبت يومي لك انا هديك اليوم ده لك هي عارفة ان هي لها ايه؟ مكانة عند النبي صلى الله عليه وسلم لكن في شرق على ان تردى رسول الله عنى. صلى الله عليه وسلم - 00:28:24

والله العظيم نحن قدام كوكبة كده حاجة كوكب دري حاجة تحس كده هم فعلًا عشان كده انت لازم يكون عندك انبهار ان دي امك وان دي او ان دي دول امهات المؤمنين. وعيي قوي انك تكوني عارفة مزيعة وعارفة وفنانة وما تعرفيش امك صفيحة. ولا امك عايشة - 00:28:41

لازم تعرفي تفاصيل التفاصيل قالت لها ايه انا هخليكي بس في شرط على ان تردى رسول الله عنى اعيش هتعمل ايه بقى شوفوا الجمال قالت عائشة نعم فلبست ثيابها - 00:29:04

يعني عائشة ما شاء الله جهزت وراحت للنبي صلى الله عليه وسلم. فانطلقت فرفعت طرف الخباء يعني بتدخل بقى فقال النبي ما لك يا عائشة؟ ان هذا ليس بيومك شوف رغم ان هو صلى الله عليه وسلم عاتب صفيحة - 00:29:23

وكان وجد في قلبه شيء ولكن اليوم يومها قالت عائشة بلسان المحبة التي تخترق قلب حبيبها قالت له ايه بقى؟ قالت له ذلك فضل الله يؤتى به من يشاء. والله العظيم يا جماعة - 00:29:43

متعة كانوا عارفين ان هم مع الامن والامان بتقول له ايه وعائشة زكية. شوفوا يا جماعة خذوها قاعدة. وان شاء الله هنتكلم في ايه؟ في المستوى آآ الثالث في امومة واعية في النقطة دي - 00:30:02

ان ليس الذكر كالانثى. الانثى لها طريقة والراجل له طريقة ماشي المرأة الزكية بتعرف تجib الراجل كوييس قوي والراجل الموفق يفهم المرأة كوييس قوي. يعني المرأة مسلا عم اما بتحصل اما بتحصل لها مشكلة هي عاوزة تحكي - 00:30:18

على فكرة المرأة مش عاوزة حل المرأة في اوقات كتير ما بتبقاش عاوزة حل. ولذلك اول ما الرجل يبدأ يقولوا لها حلول ده واحد تايه مش فاهم ايه؟ مش طاقة بعامل زي الموجة والراديو مش بيستقبل - 00:30:42

هو يقول لها طيب بصي قولي لما ماتك كزا. طب خلاص يا ستي ماشي هنجيب لك كزا. يا حبيب قلبي افهم اختك الله يكرمك. افهم زوجتك الله يعزك. هي عاوزة تحكي - 00:31:00

طيب لأن المرأة هي ربنا رازقها كده عندها فطرة ما شاء الله لا قوة إلا بالله هي ايه؟ هي شحنة فمعها اربع خمس ست شرط عاوزة تتكلم طيب حضرتك ما سمعتش وعاوز تدخل في الحلول مباشرة هتعمل ايه؟ تروح تحكي بقى لاخواتها ولا قرايبها ومش عارف ايه والتلفون الارضي يشتغل وتلاقي - [00:31:10](#)

الارض دايماً عالية السبب ايه هي مشقية مش لقاتك تسمعها هتدور على حد تسمعها اصل هما في طاقة لازم تخلص هما في خمسة ستة عشر شرط هيتقالوا يعني هيتقالوا النطل يرجع الرجل يقول لها انت كبرت الموضوع ورأيحة تحكي للناس الرجل اللي موفق - [00:31:33](#)

يدى جرعة شوية في السمع خلونا مع ايه نخلي الحاجات امومة لمومه. المهم يعني دي من ضمن الفروق. فهنا هي عارفة كوييس قوي تدخل للنبي صلى الله عليه وسلم ازاي؟ قالت - [00:31:54](#)

ذلك فضل الله يؤته من يشاء فنام النبي القليلة مع اهله صلى الله عليه وسلم فلما كان عند الرواح ايه اللي حصل حصلت حاجة ايه اللي حصل قال النبي يا زينب راح لزينب بنت جحش رضي الله عنه. قال يا زينب اعيري اختك صفية جملة - [00:32:06](#)

يبقى هنا بقى حصل ايه نبيه هدي والدنيا بقت جميلة وهو اصلاً كان هادي لكن هي صفية رضي الله عنها كانت قلقانة. فقال يا زينب اعيري اختك صفية جملة. معلش اديها الجمل اللي معك بتاع - [00:32:33](#)

وكانت زينب معها اكتر ايه وكانت رضي الله عنها بها غيرة عالية يعني خاصة ان زينب كانت آآ جميلة رضي الله عنها فقالت انا اعير جميـلي يهودـيتـك يا سـتـير نـسـاء هـنـ النساء ولوـنـ اـمـهـاتـ المؤـمـنـينـ. هوـ فيـ الـاخـرـ اـمـرـأـةـ. فيـ الـاخـرـ نـسـاءـ. لهمـ طـرـيقـةـ فيـ [00:32:50](#) تـفـكـيرـ زـيـ الـاطـفـالـ تـيـجيـ تـقـوـلـ ليـ دـهـ طـفـلـ خـلـاـصـ دـهـ رـاجـلـ كـبـيرـ فـيـ السـنـ. آآ دـهـ مـشـ عـارـفـ اـيـ عـشـانـ كـدـهـ يـاـ جـمـاعـةـ الـحـاجـاتـ دـيـتـ مهمـةـ جـداـ فـيـ فـهـمـ الـبـشـرـيـةـ - [00:33:18](#)

تعرف ان الرجال الكبير في السن غير الشاب غير اللي سنه في بداية المراهقة غير الطفل غير المرأة. الفروق ديت ما فيهاش اي قدح لحد. واقول لك ده فرق. او انا بقول لك - [00:33:31](#)

ان ده مراهق سن مراهق وده قدح انا بقول لك بالراحة بس هم الشباب في السن ده في بداية المراهقة بيفكرروا بطريقة كزا كزا فلازم ايه؟ تدرك ان هو مش زي سن النضج بتاع حضرتك - [00:33:45](#)

فده ليس قدح في الولد هو وصف مرحلة وصف آآ شريحة معينة فزينب رضي الله عنه بتقول له انا اعير جميـلي لمـينـ مـسـلـاـ مشـ قالـ اـيـ آآ لـيـهـودـيـةـ آـلـةـ يـهـودـيـتـكـ - [00:33:58](#)

يعني هي زوجتك اليهودية لا حول ولا قوة إلا بالله صافية كانت ايه؟ كانت يهودية ثم اسلمت فزينب رضي الله عنها من الغيرة طب وطبعاً الغيرة كما قال النبي صلى الله عليه وسلم تجعل المرأة ان الغيرة تجعل المرأة لا تدرى اسف الوادي من اعلاه. هي الجبل - [00:34:14](#)

ده مش عارفة فين الطول وفين العرض وفيين مش شايفـةـ الليـ قـدـامـهاـ. عـشـانـ كـدـهـ يـعـنيـ اـيـهـ اـقـرـبـ اـنـ هيـ لـاـ تـؤـاخـذـ بـكـلامـهاـ فـيـ الـوقـتـ دـهـ فـبـتـقـولـ لـهـ اـنـ اـعـاـيـرـ جـمـلـكـ لـهـ؟ سـبـحـانـ اللهـ - [00:34:35](#)

مها النبي صلى الله عليه وسلم لانه نبي مدرك كوييس قوي ان الموضوع ما لوش علاقة ابداً بكسر كلام النبي ولا له علاقة ابداً اهانة صافية. كل الموضوع هي غيرة - [00:34:52](#)

ويراعي النبي الغيرة. بس في نفس الوقت ميزة برضو ان نرجع لنساء المؤمن نساء الصحابيات ونساء المؤمنين فعلاً ان الغيرة عندهم لحظية لقطة عصد الاخطاء اللي بتترتب عليها. لقطة تروح الفرملة تبدأ تفرمل - [00:35:08](#)

فلما النبي صلى الله عليه وسلم سمعها قالت كده طبعاً جملة شديدة قوي يعني في واحد نصراني واسلم كل اما يجي يعمل حاجة تقول له مش تنسى ان كان في موجب هنا في دراعك - [00:35:25](#)

يا عم ليه كده! انت هتدنك ماسكها له سبحان الله فغضب النبي حين سمع ذلك فهجرها فلم يكلمها ولم يأنها ولم يقسم لها حتى رجع الى المدينة يعني النبي صلى الله عليه وسلم تجاهل بقى زينب طول الرحلة لأن الجملة دي كانت قوية - [00:35:38](#)

رغم ان صفيه ايه ما زالت كانت صفيه رضي الله عنها ايه اه كانت عملت موقف فيها خطأ لكن الجملة دي لا جملة شديدة جدا جدا
جدا وتعرفوا قد ايه ان كان منصف وقد ايه كان مربى - 00:36:00

وده اللي بنستفيد منها كمعني تغيير السلوك مش شرط بالضرب ما فيش ضرب تغيير السلوك ان في واحد محب يتتجاهلك فترة هو
بيكلمك وكل حاجة بس ايه مش هيديك الكلام العادي. مش الكلام اللي انت عارفه. الكلام بقى على القد عشان ايه ما يخشش في
الهجر والكلام - 00:36:15

فده الهجر وال حاجات ديت تكون يعني مهمة جدا في التربية لو كان اللي بيعملها محب جدا لك وفي مشهد تاني يحصل موقف بس
المرة دي بقى مع عائشة بوجود عائشة ووجود ابو بكر. حاجة مشهد جميل قوي - 00:36:35

ايه هو المشهد ده؟ ده اللي هنخليه المرة الجایة. ان شاء الله عموماً صدقونى يا جماعة والله ما تخلفنا الا بعدما خالفنا تشووفون دا
احنا بس بنحكي بس مشهد بس سفر. وهم رايحين يحجوا. شوفوا كمية - 00:36:59

ال حاجات اللي احنا بنفهمها وبنستفيدتها من دينا حاجات بسيطة و حاجات تحس ان الحياة ممكن ليه احنا مكلععينها بسبب المخالفة
لما خالفنا تخلفنا فاسأل الله سبحانه وتعالى ان يسددنا واياكم لكل خير وينفع بنا وبكم حيثما كنا وكتتم - 00:37:17

السلام عليكم ورحمة الله - 00:37:41